



**O**Tto ex illustri familia comitum à Ballēstedt prognatus fuit. Is multis uirtutibus insignis adeò inclaruit, ut Magnus Saxoniae dux ei filiam suam uxorem daret, altera uerò Guelphoni duci Bauariae despōsata fuit, ex qua Heinricus Leo potentissimus Saxoniae dux prognatus. Otto autem in familiae suae memoriam Benedictinis monachis monasteriū Ballingstedt fundauit, atq; ipse sese ad arcem Anhalt cum sua uxore & familia cōtulit. ab eo loco sese comitē de Anhalt cognominauit, atq; illustrem familiam de se reliquit. Eius enim filius Albertus (cognomento Ursus dictus) Brandenburgensis Marchio creatus fuit, atq; plurima bel-

la cum Heinrico Leone ob ducatum Saxoniae gessit. Tandem uerò huius Alberti filius, et Ottonis nepos Bernardus, à Friderico Barbarossa Saxoniae primus dux ex ea familia cōstitutus fuit, id quod suo loco declarabitur. Otto uerò Heinrico Cæsari fortiter adfuit, atq; Vandalos ei repugnantes praelio superauit. Alb. Crantz. in Saxo. lib. 5. cap. 25. & 36.